

**Хүндүлүг номчукчулар! Республиканың амыдыралындан чыда калбас дизиңерзе,  
«Шын» солунну чагыдып алыңар!**

2002 чылдың ийги чартыбында **ЧАГЫДЫЛГАНЫҢ ӨРТЭЭ:**  
хууда чагыдыкчыларга — 185 рубль, 3 айда — 93, 1 айда — 31 рубль.  
Организацияларга 6 айда — 238 рубль, 3 айда — 119 рубль.

Экспресс чагыдылганы неделяның кайы-даа хүнүнден эгелеп чагыдып ап болур силер.



# ШЫН

**НИИТИЛЕЛ-ПОЛИТИКТИГ СОЛУН**

1925 чылдың  
август 31-де  
үнүп эгелээн

№ 83 (16541)

2002 чылдың  
ИЮЛЬ 23,  
вторник

Ат салган шагы 20.30  
Садар өртээ 3 рубль.

БАЙЫР ЧЕДИРИИШКИНИ

## ТӨРЭЭН ЧЕРИНИҢ ШЫНЧЫ ОГЛУ

Хүндүлүг Шериг-оол Дизижинович!

60 харлаан юбилейнер-биле чүректин ханызындан изиг байыр чедиргенивисти хүлээп ал керүнер.

Силер бодунарның медреселдиг амыдыралыңарны чангыс ыдыктыг херекке — чоңуңарга бердинген чүткүлүңер-биле, күжүңерни болгаш энергияңарны, билиңерни болгаш дуржулганыңарны харам чокка берип, төрөөн чериңерниң шынчы оглу бооп, хүндүткелди чедип алган Силер.

Тудуг-монтаж эргелелиңиз бызаңчызындан Тыва Республиканың Чазак Даргазынга чедир амыдыралчы улуг орукту эрткен Силер. Каа-даа ажылдап чорааш, орук чартыңга доктааваан Силер, кезээде мурнуку одуругга чоруп, түңнелдерни, чедишкениңерни чедип ап чордуңар.

Силер тыва күрүнениң төөгүзүңге республиканың баштайгы Президентизи, Тывага демократтыг чаартылгаларның эгезинге турган политик бооп кирдинер. Тываның чоңу Силерниң бодунуң чериниң шынчы оглу, Россияның төлөптүг болгаш шынчы хамаатызы, күрүнө баштыны, бодунуң идегелдерин чырыткылыгы

келир үе-биле холбаштырган кижини кылдыр билип, үнелеп турар. Тываның хөй националдыг чоңу 2002 чылдың март 17-де Силерни дээш бадылавышаан, республиканы катап тургузарының, ооң экономиказын турумчударының болгаш хөгжүдериниң политика болгаш культура амыдыралын сайзыраңгайжыдарының, чоңунуң чаагай чоруун бедидериниң болгаш националдар аразының харылзааларын экижидериниң шиллелгезин кылганнар.

Хүндүлүг Шериг-оол Дизижинович!

Бо кайгамчык хүнде хөй талалыг болгаш харысалгалыг, Тыва Республиканың Чазак Даргазы ажыл-чорудулганыңа чедишкениңерни, быжыг кадыкшылды, өг-бүлөңерге ааскежикти, чаагай амыдыралды күзедивис.

Силерниң амыдыралыңарга өөрүшкү, чаагай ажыл-херектер, чырык угаан-бодалдар, өңүктүңерниң болгаш чоок кижилериниң билишкениңерни болгаш деткимчези бүргөп турар болзун!

**Тыва Республиканың Улуг Хуралының Хоойлужудулга палатазы.**

2002 чылдың июль 23.

**ПРЕЗИДЕНТ КУБОГУ**

## КӨРҮШТҮГ, ЧАРАШ-ДАА БОЛЗА...



Тываның бирги Президентизиниң кубогу дээш эртип турар хол бөмбүүңге маргылдаа тыва чоңунуң национал байырлалдары дег четтикпейн манаары болгаш ыяк белеткенир спортчу байырлалы апарган. Бо чылгы маргылдааның түңнелдерин алдыгы арындан номчуур силер.

## СВЕТОФОРЛАР ЧҮГЕ АЖЫЛДАВАСТААНЫЛ?

Кызыл хоорайда светофорлар каш хонук ажылдавайн турар. Ол дугайын билип алыры-биле «Тывагострансигнал» КУБ-ка (күрүнениң унитарлыг бүдүрүлгези) чеде бердивис. Ооң директору Владимир Антонович Сермавкин мындыг тайылбырны биске берди. Кызыл хоорайда оруктар белдирлеринде светофорларның септелгезин, электри энергиязы-биле хандырылганы, ооң үндүрүүн хоорай чагыргазы акшаландырып хандыра турган. Бо чылын хоорайда бүгү светофорларны септээринге, чамдык кудумчулар белдирлеринге чаа светофорлар азырынга, оларны электри энергиязы-биле хандыраарыңа «Тывагострансигналга» 5 млн. рубль херек турган, ол талазы-биле чогуур документилер хоорай чагыргазыңа кирген. Ынчалза-даа хоорай чагыргазы үстүңде айыттыңан ажылдарны боттандыраарыңа чүгле 1 млн. рубль тускайлап берген. «Ол дээрге 6 акшаның хлевин 1 рубль 20 копейка-биле садып алың дээни-биле демей ышкажыл» — деп, Владимир Антонович чугаалады.

Үстүңде айыттыңан ажылдарны ол хире эвээш акша-биле долзу-биле чорудары шуут болдунмас. Ооң хире-шаа-биле 6 айга чедир светофорларның ажылын шейүп келгенер. Оон ыңай канчаар-даа арга чок

кынып кээрге, Кызылдың хоорай чагыргазындан немелде акшаландырышыңын негезенер. А.Ю. Кашин: «Оон ыңай акша чок, тыппас-даа бис» дээн. Бензин чокта машина маңнава болгай, ыңчангаш акшаландырышыңын чокта светофорларны оон ыңай ажылдадыр арга чок апарган. Ынчангаш «Тывагострансигнал» светофорларның ажылын соксадыр ужурга таварышкан. Ол талазы-биле улуг буруу Кызылдың хоорай чагыргазыңа онаажып турар. Ону мынчаар тайылбырлап болур. Россия Федерациязының «Орук шимчээшкениңерниң айыыл чок чоруунуң дугайында» хоойлузунда орук демдектериниң болгаш светофорларның септелгезиниң оларны чогуур техниктиг байдалга тударының, электри энергиязы-биле хандыраарының, үндүрүг төлөлгезиниң акшаландырышыңының хоорайларда чагырга черлери чорудар деп айыткан. Ынчангаш Кызылдың хоорай чагыргазы бодунуң хоойлу эзу-гаар хүлээлгезин күүсетпейн турар. Бир эвес хоорайга светофорлар ажылдавайн турарының хараазы-биле кандыг-бир улуг айыыл-халап, озал-ондак болу берзе, кол буруу Кызылдың хоорай чагыргазыңа онаажыр апаарын Владимир Антонович чугаалап олурду.

**Борис ОНДАР**



## СӨӨЛГҮ ШАКТА

◆ РФ-тиң болгаш Францияның Президентилери В.Путин база Жак Ширак оларның ийи хүн үргүлчүлээн учуражышыңыны Сочиге доозулган. Бот-бодун билчириниң байдалыңа эрткен учуражышыңын үезинде Делегейниң 8 сайзыраңгай күрүнелериниң Баштыңнарының 2006 чылда болур шуулганын Россияның даргалап эрттирерин, Россияның делегейниң садыг организациязыңа кирерин, Калининград областың айтырып, социал-экономиктиг хөгжүлдөгө ийи чуртун киржилгезин, еске-даа чугула айтырылганы чугаалажып, түңнелди үндүргөн. В.Путин Францияның Президентизи Жак Ширакты чылы-биле үдээн.

◆ РФ-тиң Оңза байдалдар болгаш бойдус халаптарының уржуктарын чайладыр ямызының сайыды С.Шойгу төп телевидениеге интервью бергеш, Россияның мурнуу чүгүңде үерге таварышкаш, качыгдан черлерге дузаламчы көргүзүп турарының тодаргай ажылдарын чугаалап берген. С.Шойгу ук

халапка чүгле бойдус эвес, харын ол черлерде харысалгалыг кижилерниң буруулуг бооп турарын, багай ажылдаан 5 дүжүметти ажылыңдан халааның дыңнаткан. Качыгдан черлерде электрини, газты, ижер сугну берип эгелээнин, чоңга аыш-чем, идик-хеп, чурттаар бажың тудар дузаламчыны көргүзүп турарын ол тодаргай дыңнаткан. Бүгү ажылдар бо чылдың кыжы эгелээриниң бүдүүзүңде доостурун айыткан.

◆ Россияның, Грузияның тускай албан черлери 1999 чылда Москвага, Волга-Донскиге чазылдырышыңын кылгаш, 240 кижиниң амы-тыныңга четкен террорист Адам Деккушевити туткаш, ооң Хаттаб-биле харылзаалыг хөдөлип турганын сойгалаан.

◆ Россияга октябрь 9-16 хүннеринде болур бүгү чоңунуң чизези субъектилерниң чедери берге черлеринде эгелээн. Хемелиг бир хонуп чорааш чедер черлер безин бар. Чизени чоң бедии-биле үнелеп турар.

(АГЕНТИЛЕЛДЕР  
МЕДЭЭЛЕРИНДЕН).













